

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 28. stav (1) članom 45. stav (4) Zakona o izvršavanju Budžeta Zeničko-dobojskog kantona za 2020. godinu, („Službene novine Zeničko-dobojskog kantona“, broj: 24/19 i 14/20), te odredbama Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), na prijedlog Ministarstva za privredu, Vlada Zeničko-dobojskog kantona, na 110. sjednici, održanoj dana 22.06.2021. godine, d o n o s i

ZAKLJUČAK

**o usvajanju Izvještaja o realizaciji programa utroška budžetskih sredstava
Ministarstva za privredu Zeničko-dobojskog kantona
- Subvencije privatnim preduzećima i poduzetnicima - ESCROW -
za period I – XII 2020. godine**

I.

Usvaja se Izvještaj o realizaciji programa utroška budžetskih sredstava Ministarstva za privredu Zeničko-dobojskog kantona - Subvencije privatnim preduzećima i poduzetnicima-ESCROW, za period I – XII 2020. godine, na razdjelu 18, budžetska organizacija 01, potrošačka jedinica 0001 i čini sastavni dio ovog zaključka.

II.

Zaključak stupa na snagu danom donošenja.

PREMIJER

Mirnes Bašić

Broj: 02-_____/21

Datum, 22.06.2021. godine

Zenica

DOSTAVLJENO

1x Ministarstvo za privredu,

1x Ministarstvo finansija,

1x a/a.

IZVJEŠTAJ O REALIZACIJI PROGRAMA UTROŠKA BUDŽETSKIH SREDSTAVA
-SUBVENCIJE PRIVATNIM PREDUZEĆIMA I PODUZETNICIMA- ESCROW-
(za period I – XII 2020. godine)

Zenica, mart 2021. godine

**IZVJEŠTAJ O REALIZACIJI PROGRAMA UTROŠKA BUDŽETSKIH
SREDSTAVA
-SUBVENCije PRIVATNIM PREDUZEĆIMA I PODUZETNICIMA- ESCROW-
(ZA PERIOD I-XII 2020. godine)**

Članom 45. stav (4) Zakona o izvršenju Budžeta Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19 i 14/20) propisano je da nadležni organ uprave izvještava Vladu Kantona o utrošenim sredstvima po programima utroška sredstava.

Prema Budžetu Zeničko-dobojskog kantona za 2020. godinu (Službene novine Zeničko-dobojskog kantona”, broj: 24/19 i 7/20), predviđena su finansijska sredstva, ekonomski kod 614 500- “Subvencije privatnim preduzećima i poduzetnicima-ESCROW”, u iznosu 2.600.000,00 KM.

Alokacija ovih sredstava, na prijedlog Ministarstva za privredu, usvojena je Zaključkom Vlade Kantona, broj: 02-11-2815/20 od 20.02.2020. godine kojim je usvojen Program utroška budžetskih sredstava za 2020. godinu (Subvencije privatnim preduzećima i poduzetnicima-ESCROW).

U periodu I-XII 2020. godine, po navedenom Programu utrošena su sredstva u iznosu od **33.293,74 KM** (Tabela 1).

Tabela 1: Alokacija sredstava planirana i realizirana:

Rb	NAZIV PROGRAMA	Iznos budžetskih sredstava /KM/	Realizovano	Index
1.	RAZVOJ KONKURENTNOSTI PRIVREDE	970.000,00	0,00	0,00
1.1	Program podrške razvoju konkurentnosti privrede (investiranje u opremu, obuke radne snage, promocija i sajmovi, standardi i kontrola kvalitete, patenti)	900.000,00	0,00	0,00
1.2	Subvencioniranje manifestacija i događaja značajnih za razvoj privrede (sajmovi, edukacije)	70.000,00	0,00	0,00
2.	RAZVOJ PODUZETNIŠTVA I PODUZETNIČKE KULTURE	500.000,00	0,00	0,00
2.1	Subvencioniranje administrativnih troškova i investicija kod obrta	200.000,00	0,00	0,00
2.2	Subvencioniranje administrativnih troškova kod pokretanja poslovnih ideja i registracije privrednih subjekata	50.000,00	0,00	0,00
2.3	Subvencioniranje administrativnih troškova kod izgradnje proizvodnih objekata	250.000,00	0,00	0,00
3.	RAZVOJ TURISTIČKE INFRASTRUKTURE I PONUDE	230.000,00	0,00	0,00
3.1	Subvencioniranje projekata izgradnje i obnove turističke infrastrukture	200.000,00	0,00	0,00
3.2	Subvencioniranje projekta izrade Plana razvoja turizma Zeničko-dobojskog kantona	30.000,00	0,00	0,00
4.	SUBVENCIONIRANJE PROJEKATA RAZVOJNIH AGENCIJA	45.000,00	0,00	0,00
5.	SUBVENCIONIRANJE ORGANIZACIJE MEĐUNARODNOG SAJMA PRIVREDE-TEŠANJ	50.000,00	0,00	0,00
6.	SUBVENCIONIRANJE MANIFESTACIJE „PEKIJADA-OČEVIJA“	5.000,00	0,00	0,00
7.	NEISPLAĆENI POTICAJI ZA 2019. g. za RAZVOJ TURISTIČKE INFRASTRUKTURE	223.361,46	23.293,74	10,42

Rb	NAZIV PROGRAMA	Iznos budžetskih sredstava /KM/	Realizovano	Index
8.	NEISPLAĆENI POTICAJI ZA 2019. g. za SUBVENCIONIRANJE ADMINISTRATIVNIH TROŠKOVA KOD POKRETANJA POSLOVNIH IDEJA I REGISTRACIJE PRIVREDNIH SUBJEKATA	20.000,00	10.000,00	50,00
9.	ZA OBAVEZU SANACIJE I OSIGURANJA OSNOVNOG KAPITALA FONDA FZ PIO/MIO	360.000,00	0,00	0,00
UKUPNO:		2.403.361,46	33.293,74	1,38

Po osnovu tačke 7. Programa u Tabeli 1, nakon ispunjenja uslova regulisanih ugovorom potpisanim između korisnika sredstava i Ministarstva za privredu, izvršena je isplata iz Budžeta Zeničko-dobojskog kantona, sa razdjela 18–Ministarstvo za privredu, budžetska organizacija 01, potrošačka jedinica 0001, ekonomski kod 614 500–Subvencije privatnim preduzećima i poduzetnicima-ESCROW u ukupnom iznosu 23.293,74 KM i obuhvata tri korisnika poticaja.

Po osnovu tačke 8. Programa u Tabeli 1, nakon ispunjenja uslova regulisanih ugovorom potpisanim između korisnika sredstava i Ministarstva za privredu, izvršena je isplata iz Budžeta Zeničko-dobojskog kantona, sa razdjela 18–Ministarstvo za privredu, budžetska organizacija 01, potrošačka jedinica 0001, ekonomski kod 614 500–Subvencije privatnim preduzećima i poduzetnicima-ESCROW u ukupnom iznosu 10.000,00 KM i obuhvata jednog korisnika poticaja.

Obzirom da je dana 16.03.2020. godine donesena Odluka Vlade FBiH o proglašenju nesreće uzrokovane pojavom koronavirusa (COVID 19) na području Federacije BiH, broj: 408/2020, Vlada Kantona, je na prijedlog Ministarstva za privredu, Zaključkom, broj: 02-11-5463/20 od 14.04.2020. godine stavila van snage navedeni Program i usvojila novi Program utroška budžetskih sredstava za 2020. godinu (Subvencije privatnim preduzećima i poduzetnicima-ESCROW).

U periodu I-XII 2020. godine, po navedenom Programu utrošena su sredstva u iznosu od **2.015.961,47 KM** (Tabela 2).

Tabela 2: Alokacija sredstava planirana i realizirana:

Rb	NAZIV PROGRAMA	Iznos budžetskih sredstava /KM/	Realizovano	Index
1.	SUBVENCIONIRANJE NAJNIŽE NETO PLATE NA NIVOU FBiH	1.760.000,00	1.601.061,00	90,97
2.	SUBVENCIONIRANJE KAMATE ZA 2020. GODINU PO KREDITIMA ODOBRENIM U 2020. GODINI PO OSNOVU KREDITNO-GARANCIJSKOG FONDA VLADE ZENIČKO-DOBOJSKOG KANTONA	40.000,00	0,00	0,00
3.	NEISPLAĆENI POTICAJI ZA 2019. g. za RAZVOJ TURISTIČKE INFRASTRUKTURE	200.067,72	54.900,47	27,45
4.	NEISPLAĆENI POTICAJI ZA 2019. g. za SUBVENCIONIRANJE ADMINISTRATIVNIH TROŠKOVA KOD POKRETANJA POSLOVNIH IDEJA I REGISTRACIJE PRIVREDNIH SUBJEKATA	10.000,00	0,00	0,00
5.	ZA OBAVEZU SANACIJE I OSIGURANJA OSNOVNOG KAPITALA FONDA FZ PIO/MIO	360.000,00	360.000,00	100,00
UKUPNO:		2.370.067,72	2.015.961,47	85,06

Po osnovu tačke 1. Programa u Tabeli 2, po Javnom pozivu na prijedlog Ministarstva za privredu usvojeno je 16 (šesnaest) Odluka o odobravanju i dodjeli sredstava privrednim subjektima za subvencioniranje 50% najniže neto plate za mart 2020. godine po osnovu kojih je izvršena isplata iz Budžeta Zeničko-dobojskog kantona za 2020. godinu ("Službene novine Zeničko-dobojskog kantona", broj: 24/19 i 7/20), sa razdjela 18–Ministarstvo za privredu, budžetska organizacija 01, potrošačka jedinica 0001, ekonomski kod 614 500–Subvencije privatnim preduzećima i poduzetnicima-ESCROW, u ukupnom iznosu 1.012.767,00 KM i obuhvata ukupno 1.703 privrednih subjekata odnosno 4.989 uposlenika.

Po osnovu tačke 1. Programa u Tabeli 2, po Javnom pozivu na prijedlog Ministarstva za privredu usvojeno je 5 (pet) Odluka o odobravanju i dodjeli sredstava privrednim subjektima za subvencioniranje 100% najniže neto plate za april 2020. godine po osnovu kojih je izvršena isplata iz Budžeta Zeničko-dobojskog kantona za 2020. godinu ("Službene novine Zeničko-dobojskog kantona", broj: 24/19 i 7/20), sa razdjela 18–Ministarstvo za privredu, budžetska organizacija 01, potrošačka jedinica 0001, ekonomski kod 614 500–Subvencije privatnim preduzećima i poduzetnicima-ESCROW, u ukupnom iznosu 588.294,00 KM i obuhvata ukupno 523 privredna subjekta odnosno 1.449 uposlenika.

Po osnovu tačke 3. Programa u Tabeli 2, nakon ispunjenja uslova regulisanih ugovorom potpisanim između korisnika sredstava i Ministarstva za privredu, izvršena je isplata iz Budžeta Zeničko-dobojskog kantona, sa razdjela 18–Ministarstvo za privredu, budžetska organizacija 01, potrošačka jedinica 0001, ekonomski kod 614 500–Subvencije privatnim preduzećima i poduzetnicima-ESCROW, u ukupnom iznosu 54.900,47 KM i obuhvata četiri korisnika poticaja.

U tački 5. Programa u Tabeli 2, iznos 360.000,00 KM namjenjen je za utvrđene obaveze sanacije i osiguranja osnovnog kapitala fonda Federalnog zavoda za penziono i invalidsko osiguranje u skladu sa Zakonom o privatizaciji preduzeća ("Službene novine Federacije BiH", broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09).

MINISTAR

Zlatko Jelić